

Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj: 004-0-SuDp-25-000412
Zenica, 01.04.2025. godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine“ broj: 38/05, 22/06, 63/10, 72/10 – ispr., 7/13, 52/14 i 85/21), člana 21. Zakona o namještenicima u organima državne službe u Federaciji Bosne i Hercegovine („Službene novine Federacije Bosne i Hercegovine“ broj: 49/05 i 103/21) i Odluke Komisije za davanje prethodne saglasnosti za popunu upražnjenih radnih mjesta u kantonalnim organima uprave i ostalim organima/ustanovama u kojima se plaće i druge naknade zaposlenih u cjelosti ili djelimično finansiraju iz Budžeta Zeničko-dobojskog kantona broj: 02-30-20905-2/25 od 20.03.2025.godine, predsjednica Kantonalnog suda u Zenici Snježana Čolaković objavljuje

INTERNI OGLAS
za popunu upražnjenog radnog mjesta namještenika u
Kantonalnom sudu u Zenici

1. „Viši referent-birotehnički operater“ - 1 (jedan) izvršilac na neodređeno vrijeme

Opis poslova: vrši daktilografske poslove po diktatu, učestvuje kao zapisničar na pretresima, raspravama, javnim sjednicama i ročištima, postupa po naredbama u spisima, sređuje spise, vodi popis troškova isplaćenih iz sredstava suda i stara se o urednosti spisa koji mu je dodjeljen u rad, sravnjava prepisanu poštu i otklanja eventualne greške, popunjava obrasce rješenja o naknadama svjedocima i sudijama porotnicima, rukuje audio opremom i stara se da je ista u funkciji prije početka suđenja, blagovremeno obezbjeđuje kancelarijski materijal od ekonoma, obavlja i druge poslove po naredbi predsjednika suda, sekretara i šefa pisarnice.

Uslovi: Pored općih uslova propisanih članom 24. Zakona o namještenicima u organima državne službe (državljanstvo BIH, punoljetstvo, opća zdravstvena sposobnost za obavljanje poslova radnog mjesta, vrsta i stepen školske spreme potrebne za obavljanje poslova radnog mjesta, da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX 1. Ustava Bosne i Hercegovine) kandidati trebaju ispunjavati i sljedeće posebne uslove:

SSS, IV ili III stepen, srednja upravna škola, gimnazija, birotehnička ili druga škola društvenog smjera, poznavanje rada na računaru, položen ispit za daktilografa najmanje Ib klase, deset (10) mjeseci radnog staža.

Pravo prijave na Interni oglas, u skladu sa članom 21. stav 2. Zakona o namještenicima u organima državne službe u Federaciji Bosne i Hercegovine („Službene novine FBiH“ broj:49/05 i 103/21), imaju namještenici iz organa državne službe svih nivoa vlasti u Federaciji Bosne i Hercegovine.

Uz prijavu na Interni oglas potrebno je priložiti slijedeću dokumentaciju (original ili ovjerenu kopiju):

- diplomu o završenoj srednjoj školskoj spremi
- uvjerenje o državljanstvu (ne starije od 6 mjeseci) ili ovjerenu kopiju CIPS-ove lične karte,
- dokaz o poznavanju rada na računaru,
- uvjerenje o radnom stažu na poslovima SSS,
- dokaz o položenom ispitu za daktilografa najmanje Ib klase
- dokaz da je kandidat u radnom odnosu na neodređeno vrijeme na poslovima namještenika u organu državne službe na bilo kojem nivou vlasti u Federaciji Bosne i Hercegovine,
- ovjerenu izjavu kandidata da u posljednje dvije godine nije otpušten iz državne službe kao rezultat disciplinske kazne,
- ovjerenu izjavu kandidata da nije obuhvaćen odredbom člana IX 1.Ustava Bosne i Hercegovine.

Izabrani kandidat će naknadno dostaviti uvjerenje o općoj zdravstvenoj sposobnosti za obavljanje poslova radnog mjesta na koje je izabran.

Sa kandidatima koji u cijelosti ispunjavaju uslove Internog oglasa provest će se obavezno testiranje iz poznavanja rada na računaru, tačnosti i brzine kucanja po diktatu i prepisu teksta, nakon čega će sa kandidatima biti obavljen i intervju.

Prijave sa traženom dokumentacijom dostaviti u roku od 10 dana od dana objavljivanja Internog oglasa putem prijemne kancelarije Suda ili putem pošte na adresu:

KANTONALNI SUD U ZENICI
Masarykova 50
72000 Zenica
sa naznakom "ZA INTERNI OGLAS"

Nepotpune i neblagovremene prijave neće se uzeti u razmatranje.



Predsjednica suda
Snježana Čolaković